



樂縣志卷三

星野考

漢天文志曰其本在地而上發於天政失於此則變見

於彼猶景音影之象形鄉音響之應聲是以明君觀之而悟

飭身正事思其咎謝其過則禍除而福至自然之應也

故自史遷而後歷代志乘皆首天文而郡縣之志亦首

星野顧有不可解者古者有分星無分度度則有廣狹

之不同且有一宿而入兩次者將何以別乎魏太史令

陳卓定郡國所入宿度虛危齊青州奎婁胃魯徐州壽

光諸城志皆祖之如謂齊國入虛六度北海入虛九度

昌樂縣志

卷三

星野考

一

濟南入危一度樂安入危四度東萊入危九度平原入

危十一度菑川入危十四度是也博雅志在天一度爲

地二千九百三十二里今平原菑川東西距濟南不過

百八十里而已有一度至十四度之遠昌樂幅員百里

耳於漢爲營陵爲劇屬北海郡卓謂北海入虛九度而

昌樂距濟南不過四百里尙不及每星一度之半豈秦

漢以後之郡縣割裂與古之十二州不同歟何其大相

懸絕耶此其不可解者一也壽光距昌樂僅四十里其

星野考祖劉伯溫分野論兼用星家張莊愚之說謂虛

九度至五度屬青州北縣昌樂壽光益都樂安臨淄博

樂縣志卷三

高苑危一度至三度屬青州南縣沂水蒙陰臨朐莒州安邱日照諸城壽光分野當在八度之末九度之初據此昌樂在虛八度矣而舊志謂昌樂居青州東古營邱之域爽鳩氏墟也在天文爲危引漢書齊地於天文爲須女危分野須女八度至危爲元枵又引左傳昭十年有星出於婺女鄭裨竈曰今茲歲在顛頊之墟姜氏任氏實守其地元枵爲齊之分星則昌又屬危宿矣此其不可解者二也夫旣曰在天爲危又曰五星候卯爲

昌樂縣志

卷三 星野考

歲星

原志五星爲金星太白木星歲水星辰熒惑火土星填也五星所在禍福隨之二舍或差陵犯攸屬

昌樂屬

青齊考天官書青齊候卯而續漢注經亦云卯常主青州並二說斯土繫卯木爲歲星二十八

宿應房次

原註按天有二十八宿綴於天輪以應下土者也以方位言在東則有角亢氏房心尾箕

北有斗牛女虛危室壁西有奎婁胃卯畢觜參南有井

鬼柳星張翼軫之不同昌樂正當房次是宿也在於東方蒼龍之中蓋東方青帝其精蒼龍所以北斗繫天樞

司春司木司東岳司鱗蟲三百有六十也

原註北斗七星一爲天樞二爲天璇三爲天機四爲天權五爲玉衡六爲開陽七爲搖光其本地而上發於天

分域皆有所繫考史天官樞繫海岱以東北斯土在東北故繫屬天樞石氏星經春秋緯文一主搖光一主天機非

是律度次元枵爲太吕斗建丑原註按黃帝受命推分星次以定律度自

娶女八度至危十五度曰元枵之次一名天福於辰在子謂之困敦於律爲太吕斗律在丑屬齊分野昌樂爲

齊土故所應亦惟元枵之次於天市垣麗東垣第七星原註按天市垣二十二星東西列各九州占房心原註

十一星宋志云齊主東垣第七星按九州謂荆梁雍豫徐揚青兗冀也昔者神禹受帝堯隨山

之東正當齊衝上應房星之宿

干屬甲乙支屬寅卯

支干謂天干地支也天干有十謂甲乙丙丁戊己庚辛壬癸地支有十二謂子丑寅卯辰巳午未申酉戌亥按昌樂於天干屬甲乙地支屬寅卯

所以爲昌樂考星分者備矣然以區區之昌樂而羅象

緯如彼將推之全齊又將何以分耶此其不可解者三

也然洪範曰庶民惟星星有好風亦有好雨言卿士師

尹當從民之所欲也小雅大東之詩曰維南有箕不可

以簸揚維北有斗不可以挹酒漿言東人困於征斂而

呼天以訴其杼柚之空也故曰人事惑於下天道應於

上依古以來昭然若揭安得謂人事邇天道遠叢爾星

分無關休咎歟然必拘於某山某水至某地爲昌樂某

昌樂縣志

卷三

星野考

三

宿躔次使上下脗合不差毫釐則又拘而不通之論也
作星野考

石氏星經北斗七星七曰瑤光主齊

星經歲星主泰

山徐州青州兗州

象緯考十二國有十六星其次舍

在牛女之下齊一星在九坎之東 春秋緯文三河雷

澤至海岱以北兗州青州屬機星 史記燕齊之疆候

辰星占虛危

漢天文志北斗七星所謂璇璣玉衡以

齊七政夜半建者衡衡殷中州河濟之間平旦建者魁

魁海岱以東北也

晉書天文志自須女八度至危十

五度爲元枵於辰在子齊之分野屬青州

唐志浮屠

一行兩界占野云須女虛危元枵也初須五度餘二千三百七十四抄四少中虛九度終危十二度其分野自濟北東踰濟水涉平陰至於山荏循海嶽衆山之陰東南及高密又東盡萊夷之地得漢北海千乘菑川濟南齊郡及平原勃海九河故道之南濱於碣石古齊祝紀淳于萊譚寒及斟尋有過有鬲莆姑氏之國其地得阪訾之下流自濟東達於河外故其象著爲天津絕雲漢之陽凡司人之星與羣臣之錄皆主虛危故俗宗爲十二諸侯受命之府又下流得婺女當九河末派比與星紀與吳越同占宋天文志天市垣三十二星其次舍

昌樂縣志

卷三 星野考

四

在房心之側東西列各十一星其東垣第七星曰齊

以上諸書青齊分野採之備考

前志論曰天垂象聖人則之因其垣野躔度而畫疆分域建邦啟土之制興焉昌樂處東方當少陽之次在天文爲危元枵應齊分野前志辨之甚詳星氣之所鍾災祥之所應厥有由哉昔熒惑守心宋公懼而修德君子謹天戒而勤人事得勿首爲凜凜歟

按府志之女虛危在子元枵之次齊分野若以昌樂言之隸青州東距七十里自應與府同而前志概之

曰在天文爲危苛隸萊郡又將移作幾度耶且益鄰

安邱其界不過百里之內乃宿度不同豈足躡天根
而手劈劃之耶又如齊東而元枵在子魯東而降婁
在戌之類方位參差先儒亦迄無定論唐浮屠一行
山河兩界之說庶幾近之而府志又撥其魏徙大梁
西河遂入東井秦拔宜陽上黨遂入輿鬼之說於是
知天道微渺難言管窺之見未能仰測惟以勤民者
敬天列星野於簡端順承夫欽若之旨云爾

昌樂縣志

卷三 星野考

五

昌樂山縣也而水亦行焉邑之山不數計或僻而有名或顯而無稱而高下皆山以有名者領之凡無名之山皆可以支條附也邑之水不數計有源者可溯無源者難尋而山下出泉以有源者滙之凡山間之水皆可以脉絡通也蓋州縣有時沿革山川千古不易將欲據形勢別疆域得毋以山川爲準哉作山川考

山山水之窟惟東南西南兩隅耳縱橫八九十里以山與地較蓋山有七焉土石叅半無奇峯峭壁氓庶任墾之故其地苦旱而不苦澇此大較也其山之列於東南隅者自城東十里外鳳山特起一峯壁立千仞爲邑東保障城脉蓋由此結焉有穴曰龍洞禱焉輒雨齊乘云宋封山神曰廣靈侯其上有夷齊廟事見古蹟考亦名孤山郡志曰孤山之風可肅薄夫卽此由孤山之陽蜿蜒而東五里曰黑山其南曰長龍山其西曰賀家山又東南八里曰黃山稍南曰豹山豹山之東至城二十里曰虎頭山其上兩石相對形如虎頭故名南卽辛王集

東西小埠起伏向背皆無名其南五里許曰黃山由黃山至營邱故城其間亦有埠陵而無山營邱故城白狼河東曰紅石崖突兀斗立相傳卽齊之牛山焉營邱南十五里曰叢角山卽隋書營邱縣注之叢角山也金史誤以爲聚角山舊志引文獻通考之聚角山蓋訛以傳訛也今俗曰崇山其東十五里曰大山又東南五里曰筆架山三峰相峙中峰特高形如筆架又東南五里曰興隆山一曰崑山又東十里餘曰靈山遙望隱秀如塔水經注曰塔山濰縣志八景之一所謂塔山望日也雍正二年定界山屬昌樂又名覆饒山亦曰漑源山漑水

昌樂縣志

卷四

山川考

二

所出此縣境東南隅諸山之可紀者也由城至靈山舊志曰八十里余嘗亦至其地蓋不減百里云縣西南隅之山較東南爲尤夥皆發脉於臨朐之凡山卽凡山而與沂山無與以汶水界之也亦與雲門諸山無與以洱水界之也自其入境之可紀者言之舊志五十里曰搗鼓山在張莊集西南去城七十餘里白狼河發源於此上有白狼廟山西曰蠡山舊志不載張莊之南曰鄆郡集疑卽古鄆城其山曰大王山有廟存焉迤西皆山曰西嶺入臨朐境矣鄆郡之東曰馬駒嶺踰嶺而北十五

里曰北辰集其山之有名者曰鄆閣聳上人相傳有神

居焉舊志亦不載北展之北曰卧虎山又北曰隨姑山
又北里餘曰喬官集西十餘里曰西黃山以東黃山而
名之也又西五里曰北巖集北至城二十五里一邑諸
山惟北巖特秀其次者曰倉山曰喬山倉山之陰曰小
山石勢嶮呀形如兜鍪俗呼帽子山下臨丹水遂佳節
村人多宴會其上東北曰金山亦名荊山南曰丁家山
蓋以丁氏聚族於此因姓其山焉喬山聳立千仞山西
坡有石眼秋出紅水山東北曰豹山西南曰宗家山西
北曰桃花山舊志謂山多桃花今濯濯矣又北曰二姑
山俗傳二姑成仙於此不經之談也山下曰蒙芽山其

昌樂縣志

卷四 山川考

三

他無名不可指者羅列如兒孫焉北巖東北十里曰邊
下集邊下者村居皆在邊山以下也其山橫亘頂平如
坻四望皆方故以方名卽金史所載北海縣注之方山
是也山半有神祠祠前石池深可六七尺冬夏不溢不
竭內生金魚池畔古藤繞槐陰翳滿院遇旱虔禱立應
寺外翠柏蒼然林立稱一邑之勝衆山北走至此一停
踞邑巽方文明之地特開屏幃由東出脉者入孤山由
西出脉者高低隱現曰禿山曰香山曰草山曰歇山如
渴馬之飲於河至丹水崖而止此皆舊志所不載訪之

土人而得名者故類紀之

昌樂水皆自西南東北流而城南二十里外土性輕陷
鬆浮山水驟發卽成溝壑久則細流灑灑矣而又遷徙
無常居人信口取名不足採錄其有源可記者曰堯水
曰西丹曰小丹曰陽河曰東丹曰白狼河曰孝義河曰
漣河曰金河曰汙河曰劉家河

堯水源出臨朐之堯山卽丹山水經注謂出劇縣南崩
山卽古義山俗名凡山堯水卽麩水也流甚細經益都
昌樂界北流至堯溝分村東西爲二西隸益都東屬昌
樂爲堯溝集水無岸堤遇雨暴漲田禾多被洩患又北
入壽光界又東北與巨洋水合流入海

昌樂縣志

卷四

山川考

四

西丹河發源於丹山竹書紀年云堯放丹朱於丹水卽
其地自呂家莊入昌樂界東北流經金山西麓又北至
岳泉莊又東北至常家莊又北爲石瀨潺湲碎泝聲聞
數里下匯爲潭長數十丈石壁竦立水色深碧爲邑勝
概又北至河凹莊小丹河自東南注之又北至南郝集
電神祠在河西岸又北至城西戴家莊故城西北隅與
東丹會經北郝村丹朱塚在焉又北入壽光界與巨洋
水合流入海

入西丹河者二一曰小丹發源於響水崖莊北經南音
莊又北經大南嚴小南嚴又東北經二姑山西麓又東

北經北巖集又北折而西與西丹河會一曰陽河源出
豹山南麓東北至大唐杜又北至水溝澗西折與西丹
會
東丹源水經注云出丹山下帶長阪曰破軍峴東西二
丹水出焉齊乘云出方山今考其源則出方山之西南
田家泉莊北流經歇頭倉莊又北經邊下集又北至南
寨莊又北過七里溝又西北至五里橋明崇禎十一年
邑宰劉芳奕於其地築壩穿渠引水入城壕爲護城計
年久填圯水仍故道又西北經三里莊又西北與西丹
會

昌樂縣志

卷四

山川考

五

白狼水齊乘云有二源一出丹山隋志作白狼山一出
小王莊平地泉湧如輪上源合此始大舊志謂出播鼓
山濰志亦云出播鼓山詢之土人則出大姑山下上有
白狼廟山前澗深十餘丈衆泉涓涓卽白狼水源也東
經張莊集豬河自西南來注之又東至高跖莊又東過
北展集又東北至駐馬河莊長嶺橫亘東西水循嶺陰
而東凡無名小水皆注焉其流漸大又東至馬宋集又
東北過營邱集東金帶河自西注之東北經濰城東又
北入別畫湖又東北入海

學義河源出上河頭莊迤北近王哀墓故名而俗則名

孝夫河東北至韓家河莊又東過清泉官莊田家樓莊
又北轉至張次莊董家莊北至濰縣陳家集入白狼河
濰河俗曰跪河源出方山西麓繞孤山之南曲折東北
經東朱集西北流齊乘所謂朱流河也又北過外莊卽
萬莊又北經石橋莊西又西北入壽光界與巨洋水會
入於海

汙河齊乘作虞濰志作于源出東黃山而賈頭莊水喬
官集水耿安莊水辛王集水皆注焉又東北與寶泉水
谷流舊志云一夕水中湧出僧迦大士現身二尺餘及
驢近地居民出之乃金鑄像此寶泉所由名也北入濰
昌樂縣志

卷四 山川考

界爲大于河卽昌樂之汙河也
劉家河在阿陀集源出叢山東入於汶龍水在朱翰集
東源出安邱經朱翰東北數里亦入於汶

泉之見於舊志者郭齊莊乳泉其水懸流若乳飲之可
以療疾其南爲蓮池新泉出城東北隅西流入於丹水
醴泉出北巖集之西山麓東北入於陽河廣福寺古井
相傳唐宋以來已有此井清冽異他水盛水井在古城
南舊志載旱浚則雨至今鄉人禱輒應隨姑山南有泉
曰龍泉繞村而流因名其村曰龍泉院古寺在焉方山
有泉曰醴泉卽方池也舊志所收者止此至梁家池泉

曰汙泉徐家廟泉曰方泉居人皆藉以灌園點燈窩莊
有泉曰墨泉其流爲墨溪皆舊志所未載詢之居人而
得者又孫家莊泉萊園莊泉水坡莊泉皆民所利而無
名可名者並附紀焉

昌樂縣志

卷四

山川考

七

昌樂縣志

昌樂縣志

昌樂縣志

山川考卷四終

昌樂縣志卷五

古蹟考

青齊幅員廣矣太公封壤未詳其起訖而營邱爲始封之地見諸史冊流傳已久他邑固不得與昌樂爭此古也故古壘頽垣所在多有各流勝蹟遺韻猶存余循行鄉社每一憑眺輒流連不能去作古蹟考

營邱古城舊志載在邑東五十里太公受封所築也久廢

按周初封太公爲齊侯及成王定蒲姑亂益封太公是爲齊國臨淄其境土也故師古曰臨淄營邱皆舊

昌樂縣志

卷五

古蹟考

一

營邱考古者幾莫識其歸矣然太公始封於營邱而營邱猶存古城不得謂非太公所都也舊志引春秋城緣陵事又漢初始置營陵縣爲北海郡治余歷厥殘雉週遭蓋九里云豈太公之所築歟抑漢時因太公之舊而築之歟邑人聞太史愉有營邱古城辨謂卽太公始封時所都太史以博物世其家於營諒非借太公爲誇美者採入藝文以備叅考

淳于鄆道元云故夏后氏之樹灌國也周武王以封淳于公遂號淳于舊志稱淳于舊在河內爲春秋小國淳

于所居也後髡爲齊贅婿遂家焉因亦名淳于漢

縣屬北海郡今廢淳子之得名其不同如此又考春秋桓公六年冬州公如曹傳曰淳子公如曹度其國危故不復後爲杞人所有然則淳子卽爲杞地而杞亦卽昌樂故國歟

營陵城舊志在留泉社內有營臺亭至留泉求所謂營臺者不可復覩而城西五里河東堦僅有城址微跡未知其果爲營陵城否

安仁城舊志未詳其處按史稱宋置安仁縣尋改昌樂屬濰州則安仁城卽今昌樂城無疑矣蓋營邱古城去濰縣僅三十里僻處山南故移鎮於此以當青萊之衝

昌樂縣志

卷五

古蹟考

二

云

劇縣城舊志謂在城西十里昌樂故有八景其一曰劇縣春晴卽此

都昌前志云在縣東北二十里春秋齊景公封晏子於此辭弗受漢改爲縣今廢爲社

按春秋襄公二十八年崔氏之亂與晏子邱殿其鄙六十弗受不言都昌前志云未知何據或曰萊屬昌邑縣卽漢都昌請以質之詳於輿地者

土城外城也明崇禎十一年知縣劉芳奕所築相傳公蒞任後因孔有德之亂先事預防役民築城鑿池又於

城南五里外築堤引丹水西流爲月河兩月歲事民患
苦之公去土賊蜂起百姓賴以全活鄰竟民亦有來避
亂者乃尸祝之爲作德政歌焉今已殘缺堤亦圯

竇公渠在縣東南五十里營邱故城之北唐北海令
渠三十里引白狼河灌田民賴其利營人相傳以爲尚
有渠形

清聖廟在邑東十里孤山絕頂舊稱昭賢廟有李昂碑
記見藝文考蓋營之人因地稱北海故採孟子伯夷避
紂居北海之說立廟以實之所謂頑夫廉懦夫有立志
聞風奮起不以時地限也歷宋元皆加封號營人又以

昌樂縣志

卷五

古蹟考

三

太公封於營邱夷齊待清北海遷就並享曰三老祠

孤山廟在清聖廟之西又曰龍王廟大旱禱雨輒應宋

封廣靈侯元加封孚澤廣靈侯俗傳侯姓李氏本壽光

人生而正直貧寒傭工自給歲凶貸於富室不與憤曰

是皆無求於人者不食嗟來而死得爲龍神示夢於逆

旅主人奇驗土人乃爲立祠於孤山之巔與清聖爲鄰

他邑禱雨罔不應壽人獨否其鄉人約李氏來乃雨

石將軍在城南四十里營邱集西思母山之東戴弁仗

劍而坐狀貌雄偉覆以草亭前志不載詢之士人曰唐

王征東先鋒大將徐凱河南人營於西山下得御甲風

而死因爲立像改四木山爲思母山云

按唐太宗貞觀十八年命張亮李世勣率步騎十萬
艦五百由萊州泛海親征高麗營邱爲必經之地將
士道死無足怪者而予獨怪此鄉人尸祝不忘何也
太宗謂侍臣曰朕自發洛陽惟噉肉飯雖春蔬亦不
之進懼其煩擾故也見病卒召至榻前存慰付州縣
療之觀此則太宗之師出以律而將軍所過秋毫無
犯可知宜土人哀其死而祀之也顧唐書無將軍徐
凱名而特傳於千五百年營邱野老之口然則將軍
雖未得平壤銘功與薛李諸君比烈而牧豎樵夫世
昌樂縣志

卷五 古蹟考

四

世相傳與此山終古矣

昌樂縣志卷六

建置考

彈丸小邑無大興業然一櫨一甍亦可以驗民氣之萃
渙居官之勤惰五材百產之豐耗也城池縣治其首務
矣而儲粟米則有倉厩育人材則有書院春秋展祀禮
則有廟祠壇壝以至旌表之牌坊利涉之橋梁寺觀之
名勝創建何年修葺何日有可稽者詳之無可稽者闕
之作建置考

城池創始舊志未載但云昔僅土城周圍四里高一丈
八尺上濶一丈一尺下濶二丈五尺池濶一丈六尺四

昌樂縣志

卷六 建置考

門俱襲以鐵東曰孤峯

後改永清

南曰洪陽

後改熙寧

北曰望海

西曰臨丹知縣范威修築於前

成化二年

謝譽重修於後

角樓複以重門

嘉靖三年

而改築女墻

楊柳者

嘉靖五年

則李錞黃軌也重修東門

嘉靖七年

增高

城墻者

嘉靖十八年

增高

砌城四隅

嘉靖二十一年

復築文墻者

嘉靖十六年

則徐慶雲

朱木也

至萬歷間張美宋名世相繼斃之以石

一在

三

始無莒惡之患矣其後李思孝又建重門四

東

東益瀚海南曰商瞻泰

仲嘉績葺之劉芳奕則大築外

德西曰慶豐北夫考

土城修丹河二壩引水八月河崇禎十年居然城小而國

矣舊志稱其仁人用心邑人至今飲食而祝豈溢美哉

國初葉魁又重葺之康熙五十年徐入元重修門樓

北門建翼武廟西門建關帝廟乾隆三十九年城石漸

圯舒元豐曹宅安復用民力相繼增修甫踰歲而工已

竣至今猶完好如故

縣治舊志但記增修之人年代莫考今仍之大門本譙

樓後改為大門內為儀門左右為角門內為戒石亭為

大堂東西為庫堂前東為吏戶禮三房南為收糧所西

為兵刑工三房房之北之南為廡為獄大堂後為二堂

昌樂縣志 卷六 建置考

為三堂為知縣宅其間或創建或補葺或增修者大堂

則方天然重修張光祖增為五間徐人元康熙五十年重修張業書雍正

七年重修趙凱圖乾隆十五年更換石柱二堂則李錞增修賀基昌康熙九年

增為五間儀門則黃軌趙凱圖重修六房戒石亭俱趙凱圖重修

知縣宅內大樓各永安樓則馬獻墀順治七年建徐人元趙凱圖

重修至主簿之廨裁改為官廡縣丞之署廢建為倉廩旌

善申明二亭洪武八年建康熙三年知縣馬騁重修基址無考寅賓丹河

兩館寅賓館萬曆四十二年知縣李思孝建康熙九年寅賓基址

名地空存僧會司道會司隨其寓為轉移布政司按察

河考其行署為烏有典史廨傾廢已久茲建於保

坊西

典史施克孝捐貫建

普濟堂遷徙無常今定於望海門內

餘倏興倏廢無關輕重者不具載

昌樂倉厥有七其地有三在南門裡者一在縣治東者

四在縣治西者二元延祐四年置義倉明宣德七年修

倉康熙三十二年修常平倉乾隆元年復修常平倉二

十年加貯倉穀萬石府穀五千石歸於縣嘉慶二年增

修常平倉十間貯採買穀

文廟舊在縣治東北建置之可考者始於元順帝元年

北海令楊仲徽爲大楹四門垣畢備元末燬於兵明洪

武三年詔天下府州縣皆立學密州同知李益署縣事

昌樂縣志

卷六

建置考

三

改建於縣治西南永樂九年知縣于潛建桂香亭於學

正統四年知縣李永增修之景泰三年知縣孫輝重修

明倫堂成化二年知縣范威始廓而大之宏治六年知

縣方天然增會饌堂三間號房四十間九年知縣金茂

復增會饌堂爲五楹正德五年知縣謝譽重修大成殿

西廡十一年知縣馮瀾重修櫺星門戟門射圃兩齋房

號房嘉靖二年知縣周原建東號房十五間三年知縣

李鎔以學宮淺陋廓其舊規建大成殿七楹置明倫堂

前東西兩廡各九間戟門三間櫺星門一座名宦鄉賢

祠各三間在戟門東西大殿角門東西各一座神器制

書庫各一間在兩廡北明倫堂五楹進德修業齋各五
間號房二十二間在兩齋後儒門一間二門一座號門
一座在西齋之南教諭訓導二廨在明倫堂後卧碑一
通置明倫堂北壁七年知縣黃軌建敬一亭在明倫堂
後二十二年知縣朱木重建教諭訓導廨修櫺星門二
十七年重修大成殿兩廡戟門名宦鄉賢祠明倫堂兩
齋擬建啟聖祠在明倫堂左齋宿三間神厨二間在明
倫堂右萬歷間知縣侯朝儀劉可訓仲嘉崇禎間知縣
周鳴岐相繼修葺

東西翼各殿及殿後古今

國初漸以傾圮知縣葉翹重修之康熙間知縣徐人元

昌樂縣志

卷六

建置考

四

重修大成殿明倫堂教諭劉珪縉重修櫺星門以門外
近市復修垣障之東西建德配天地道冠古今坊又重
修兩廡及各宦鄉賢祠乾隆間知縣劉俶教諭劉日璠
復修大成殿四圍廣廈二十四年教諭何文燾重修啟
聖祠明倫堂奎星樓各宦鄉賢祠工未竣而止五十六
年教諭趙其曠重修大成殿兩廡櫺星門及垣牆題聖
經於明倫堂之屏門今廟中桂香亭敬一亭會樸堂齋
房號房神器制書庫圯廢已久難以頓復現在者尙隨
時補葺不致月滿梁塵草生階屺斯幸矣

書院在縣治西講堂五楹東西學舍十間二門一大門

中門一廚房一垣周十餘丈嘉慶二年知縣魏禮煊
新建
雍正二年

詔建忠義祠節孝祠劉猛將軍廟今忠義祠僅有其地
節孝祠乾隆五十五年邑人捐修而未竟其王劉猛將
軍向無專廟祇設紙牌於玉霄宮之川堂嘉慶二年乃
因東門外天齊廟廢基改建先農壇始立劉猛將軍廟
及八蜡廟於其中三年建忠義祠三楹於啟聖祠後
關帝廟在南關東閣之西郭門曰長樂上有文昌閣閣
太史世繩敬業堂卽其地

昌樂縣志

卷六 建置考

五

龍王廟在東門外乾隆四十一年知縣曹宅安修爲禱
雨處馬神廟在廐內獄神廟在獄內
壇壝俱無考嘉慶元年改建先農壇修山川社稷壇而
祭始有其地

牌坊十字街有四面坊

東西曰恩榮爲監察御史趙池
建南北曰勅命重封爲贈監察

御史趙
鵬薦建

縣治前有保障坊玉霄宮前有仙觀古跡坊徐

家園莊有孝子坊

爲秦美
先建

南寨莊亦有孝子坊

爲秦大
勳建

節烈之坊二十有五已載列女傳不備錄

橋梁之大者十有三城之西曰堯溝橋

在堯溝亦
曰王公橋

曰丹

河橋城之東曰通濟橋

在十
里舖

曰普濟橋

去城
五里

曰大石

橋曰廣濟橋曰淮河橋去城十里城之南曰普惠橋在落

南曰五里橋去城五里即知縣劉芳奕築壩處城之東南曰白狼河橋星坡

去城五里曰長命溝橋去城十里曰望海橋在南關東曰四石橋在南

在望海橋東南通開山口其餘非屬通衢跨津渡者皆從畧焉

寺觀舊志所載已多廢圯今又百餘年矣其廢更多於

前僅錄其名以存其舊卧佛寺在縣治西南觀音堂在卧佛寺東

廣福寺在北嚴集金剛院廢龍泉寺廢石佛寺廢寶泉寺廢

福祥寺在北嚴集大聖寺在馬宋集宏教寺久廢在朱翰集玉霄宮在縣治西

秋林寺在陽阜莊大聖院在馬宋集天眞觀在玉霄宮後廢文昌閣一在城東

南門一在馬宋集生華嚴寺一在馬宋集天齊廟一在城東關

昌樂縣志 卷六 建置考 六

廢一在城北興吉寺在城西三義廟在南關三官廟在文廟西真武廟

一在北門上觀音廟一在南關一在城北玉皇廟在城北太

山行宮在南關黃仙公祠在城南水月菴在城北清幽觀在城南

創建始於金

典禮考

一邑之典禮載於會典爲各縣所同然品節儀文考核無素保無蹈失儀之愆而遺神明之恫乎如

聖誕則有慶賀元旦冬至則有拜賀日月薄蝕則有球護立春則有鞭春朔望則有行香具見儀注人皆知之故不備載祇載鄉飲酒禮者以其儀繁也祭祀之興自聖廟以及山川祖饗與俎豆斯土者皆載焉雅樂惟聖廟用之然樂器徒存舞生空列制度形器且不能識他何論哉茲舉其要者附於祭

昌樂縣志

卷七 典禮考

一

聖廟之後有學道之君子志切雅化未必非修禮明樂之一助云作典禮考

鄉飲酒禮每歲正月望日十月朔日於儒學明倫堂舉行以知縣爲主鄉之老人年六十以上有德行者一人爲賓其次爲介又其次爲三賓又其次爲衆賓鄉人嘗爲士大夫而致仕年德可尊禮者一人爲僕以衆所推服者一人爲司正贊禮一人及贊引者皆擇士之容貌詳緩習禮儀者爲之讀律一人使能者有喧譁失禮者揚解者以禮責之前期設賓席於堂北兩楹間少西南面主席於阼階上西面介席於西階上東面僕席於賓

東南面三賓席於賓西南面皆專席不屬眾賓六十以上者席於西序東面北上賓多則設席於西階北面東上僚佐席於東序西面北上眾賓五十以下者位於堂下西階之西當序東面北上賓多則又設位於西階之南北面東上司正及讀律者位於堂下阼階之南北面西上設主之贊者位於阼階東西面北上設主及僚佐以下次於東廊賓介及眾賓次於庠門外僎次亦在門外設酒罇於堂上東南隅加勺幕用葛巾爵洗於阼階下東南筐一於洗西實以爵觶盥洗在爵洗東設豆案於堂上下席位前六十者三豆七十者四豆八十者五

昌樂縣志

卷七 典禮考

豆九十者六豆堂下者二豆主人豆如賓之數皆實以菹醢至期賓將及門執事者報賓至主人率僚屬出迎於庠門外主西面賓以下皆東面三揖三讓升堂相向再拜升坐執事者報僎至主率僚屬出迎如前儀畢贊禮唱司正揚觶司正出位詣盥洗位次詣爵洗位取觶於筐洗觶升自西階詣罇所酌酒進兩楹間北面立而坐者皆起拱立司正揖賓僎以下皆答揖司正乃舉觶而言曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣竭忠爲子盡孝長幼有序兄弟恭

丙睦宗族外和鄉里無或廢墜以忝所生言畢贊禮唱
司正飲酒飲畢以觶授執事者司正北向揖賓僕以下
皆揖司正復位賓僕以下皆坐贊禮唱讀律令執事者
舉律令案於堂中讀律令者詣案前北向立賓僕以下
皆立行揖禮如揚觶儀遂讀律令讀畢復位贊禮唱供
饌執事者舉饌案於賓前次僕次介次主人三賓以下
各以次舉畢贊禮唱獻賓主人降詣盥洗及爵洗位洗
爵酌酒奠於賓席稍退再拜賓答拜又獻僕如前儀主
人復位贊禮唱賓酬酒賓起僕從之詣盥洗爵洗位如
前儀奠於主席賓僕再拜主人答拜賓僕復位介三賓
昌樂縣志

卷七

典禮考

三

以下執事者以次酌酒畢贊禮唱飲酒或三行或五行
供湯又酌酒飲酒供湯三品畢贊禮唱徹饌執事者徹
饌案在坐者皆興僕主僚屬立於東賓介三賓衆賓立
於西皆再拜贊禮唱送賓以次下堂東西行仍三揖出
庠門而退

講

聖諭行鄉飲儀注明倫堂中設

聖諭案贊禮排班三跪九叩禮畢跪聽宣讀止讀十六
條題目及小註解讀畢禮如前贊禮又唱舉行鄉飲酒

禮賓主交拜司正揚觶贊禮唱曰恭惟

宗聖曾子 名參字子與魯南武城人唐贈郕伯宋封國公元封郕國宗聖公明嘉靖九年改稱宗

亞聖孟子 名軻字子真一字子車鄒人宋封鄒國公元封鄒國亞聖公明嘉靖九年改稱亞聖孟子

每位前陳設制帛一色 白磁爵三羊一豕一鉶二羹

酒樽一 實同筭二實同籩八實同正位無豆八實同正位無

十二哲東六位 案除白共一

先賢閔子 名損字子騫魯人唐贈費侯宋封郕公改封費公明嘉靖九年改稱先賢閔子

先賢冉子 名雍字仲弓魯人唐贈薛侯宋封下邳公改封薛公明改稱先賢冉子

先賢端木子 名賜字子貢衛人唐贈黎侯宋封黎陽公改封黎公明改稱先賢端木子

昌樂縣志 卷七 典禮考 五

先賢仲子 名由字子路卞人唐贈衛侯宋封河內公改封衛侯明改稱先賢仲子

先賢卜子 名商字子夏衛人唐贈魏侯宋封河東公改封魏公明改稱先賢卜子

先賢有子 名若字子若魯人唐贈卞伯宋封平陰侯國朝乾隆元年陞卞十哲之次

位前陳設每位一案制白共一色 每位供爵一豕共一

豕首共一鉶各一和羹 籩各一黍米飯 簋各一稷米飯 籩各四

西六位 藟栗形 豆各四 芹蘆菁菹 獻爵共三

先賢冉子 各耕字伯牛魯人唐贈鄆侯宋封東平侯加封鄆公明稱先賢冉子

先賢宰子 名予字子我魯人唐贈齊侯宋封臨淄公改封齊公明改稱先賢宰子

先賢冉子 名求字子有魯人唐贈徐侯宋封彭城公改封徐公明改稱先賢冉子

先賢言子

名偃字子游吳人唐贈吳侯宋封丹陽公改封吳公明改稱先賢言子

先賢顓孫子

名師字子張陳人唐贈陳伯宋封宛邱侯加封陳國公陞十哲位明改稱先賢顓孫子

先賢朱子

名熹字元晦一字仲晦婺源人謚曰文贈太師追封信國公改封徽國公淳祐元年從祀

先賢朱子

國朝康熙五十二年改封齊國公明改稱先賢朱子

每位前陳設同東六位

東廡六十二位

先賢蘧子

名瑗字伯玉衛人唐開元二十七年從祀贈衛伯明嘉靖九年改祀於鄉國朝雍正二

祀年復

先賢澹臺子

名滅明字子羽魯武城人唐贈江伯宋封金鄉侯

昌樂縣志

卷七 典禮考

六

先賢原子

名憲字子思魯人唐贈原伯宋封任城侯

先賢南宮子

名适字子容魯人唐贈郟伯宋封龔邱侯改封汝陽侯

先賢商子

名蒙字子木魯人唐贈蒙伯宋封須昌侯

先賢漆雕子

名開字子開魯人唐贈滕伯宋封平輿侯

先賢司馬子

名耕字子牛宋人唐贈向伯宋封楚邱侯改封綏陽侯

先賢巫馬子

名施字子期陳人唐贈鄆伯宋封東阿侯

先賢顏子

名辛字子柳魯人唐贈蕭伯宋封陽穀侯

先賢曹子

名卹字子循蔡人唐贈曹伯宋封上蔡侯

先賢公孫子

名龍字子石唐贈黃伯宋封枝江侯

先賢秦子

各商字子丕魯人唐贈上洛伯宋封鄆城侯

先賢顏子

名高字子騫魯人唐贈
瑯琊伯宋封雷澤侯

先賢壤駟子

名赤字子徒秦人唐贈
北徵伯宋封上邽侯

先賢石作子

名蜀字子明秦城紀人唐
贈郾邑伯宋封城紀侯

先賢公夏子

名首字乘魯人唐贈
亢父伯宋封鉅平侯

先賢后子

名處字子里齊人唐贈
營邱伯宋封膠東侯

先賢奚容子

名蒧字子哲衛人唐贈
下邳伯宋封濟陽侯

先賢顏子

名祖字襄魯人唐贈
臨沂伯宋封富陽侯

先賢句井子

名疆字子彊衛人唐贈
淇陽伯宋封滏陽侯

先賢秦子

名祖字子南秦人唐贈
少梁伯宋封鄆城侯

先賢縣子

名成字子祺魯人唐贈
鉅野伯宋封武城侯

昌樂縣志

卷七 典禮考

七

先賢公祖子

名句茲字子之唐贈
朝思伯宋封即墨侯

先賢燕子

名伋字子思秦人唐贈
漁陽伯宋封汧源侯

先賢樂子

名莠字子聲魯人唐贈
昌平伯宋封建城侯

先賢狄子

名黑字哲衛人唐贈
臨濟伯宋封林慮侯

先賢孔子

名忠字子蔑唐贈
陽伯宋封鄆城侯

先賢公西子

名蒧字子上魯人唐贈
祝阿伯宋封徐城侯

先賢顏子

名之僕字子叔魯人唐
贈東武伯宋封宛句侯

先賢施子

名之常字子恒魯人唐
贈乘氏伯宋封臨濮侯

先賢申子

名振字子周魯人唐
贈魯伯宋封文登侯

先賢左邱子

名明字都人唐貞觀中從祀
宋封瑕邱伯改封中都伯

先賢秦子 名冉字子開魯人唐贈彭衙伯宋封新息侯

先賢牧子 名皮國朝雍正二年進從祀

先賢公都子 齊人宋封平陰伯國朝雍正二年進從祀

先賢公孫子 名丑齊人宋封壽光伯國朝雍正二年進從祀

先賢張子 名載字子厚宋大梁人後寓於鄆縣橫渠鎮之南關西稱為橫渠先生蓋曰明淳祐元年

封鄆伯 從祀崇禎十五年改稱先賢

先賢程子 名頤字正叔宋河南人世稱伊川先生蓋曰正淳祐元年封伊陽伯從祀元至順二年加

封洛國公 明崇禎十五年改稱先賢

先儒公羊子 名高齊人唐貞觀二十一年從祀宋封臨淄伯明嘉靖九年改稱先儒公羊以下各

備同續祀者做此

卷七 典禮考

先儒孔子 名安國字子國夫子十一世孫唐時從祀宋封曲阜伯

先儒毛子 名萇趙人唐時從祀宋封樂壽伯

先儒高堂生 魯人唐時從祀宋封萊蕪伯

先儒鄭子 名元字康成漢高密人唐貞觀中從祀明嘉靖中罷祀國朝雍正二年復祀

先儒諸葛子 名亮字孔明漢瑯琊陽都人國朝雍正二年進從祀

先儒王子 名通字仲淹隋龍門人門人蓋曰文中子明嘉靖九年從祀

先儒司馬子 名光字君實宋夏縣涑水鄉人贈太師追封溫國公蓋曰文正咸淳三年從祀

先儒歐陽子 名修字永叔宋廬陵人贈太子太師蓋曰文忠明嘉靖九年從祀

先儒胡子 名安國字康侯崇安人蓋曰文定明正統元年從祀成化三年封建寧伯

先儒尹子 名淳字彥明一字德充宋洛人靖康初賜號和靖處士國朝雍正二年進從祀

先儒呂子

名祖謙字伯恭宋萊人南渡後居婺州謚忠亮景定二年封開封伯從祀

先儒蔡子

名沈字仲默宋建陽人世稱九峯先生明正統元年從祀謚文正成化三年封崇安伯

先儒陸子

名九淵字子靜宋金谿人謚文安嘉靖九年從祀

先儒陳子

名淳字安卿宋漳州龍溪人學者稱爲北溪先生國朝雍正二年從祀

先儒魏子

名了翁字華文宋邗州蒲江人謚文靖國朝雍正二年進從祀

先儒王子

名栢字會之宋婺州金華人謚文憲國朝雍正二年進從祀

先儒許子

名衡字仲平元河南人謚文正封魏國公皇慶二年從祀

先儒吳子

名澄字勿清元崇仁人學者稱爲草廬先生謚文正明罷祀國朝乾隆二年復祀

先儒許子

名謙字益之元金華人國朝雍正二年進從祀

先儒王子

名守仁字伯安明餘姚人謚文成萬曆十二年從祀

昌樂縣志

卷七 典禮考

九

先儒薛子

名瑄字德溫明河津人謚文清宏治九年祀於鄉隆慶五年從祀

先儒羅子

名欽順字允升明太和人謚文莊國朝雍正二年進從祀

先儒陸子

名隴其字稼書國朝浙江平湖人雍正二年進從祀

位前陳設每四位一案制白共一色每位供爵一豕共

三

分十六盤每案一盤

簋各一飯

黍米

籩各四

實同十

豆各四

實同十

獻爵共三

西廡六十二位

先賢林子

名放字子邱魯人唐贈清河伯宋封長山侯明改祀於鄉國朝雍正二年復祀

先賢宓子

名不齊字子賤魯人唐贈單父伯宋封單父侯

先賢公冶子

名長字子長齊人唐贈莒伯宋封高密侯

先賢公哲子 各哀字季次齊人唐贈鄆伯宋封北海侯

先賢高子 各榮字子羔齊人唐贈共城伯宋封共城侯

先賢樊子 各須字子選魯人唐贈樊伯宋封益都侯

先賢商子 各澤字子季魯人唐贈澤伯宋封鄒平侯

先賢梁子 各鍾字叔魚齊人唐贈梁伯宋封干乘侯

先賢冉子 各孺字子魯魯人唐贈紀伯宋封臨沂侯

先賢伯子 各虔字子哲魯人唐贈聊伯宋封沐陽侯

先賢冉子 各季字子產一字子達魯人唐贈東平侯宋封諸城侯

先賢漆雕子 各徒父字子有唐贈徐伯宋封高苑侯

先賢漆雕子 各陵字子斂魯人唐贈武城伯宋封漢陽侯

昌樂縣志 卷七 典禮考

先賢公西子 各赤字子華魯人唐贈郟伯宋封鉅野侯

先賢任子 各不齊字子選楚人唐贈任城伯宋封當陽侯

先賢公良子 各儒字子正陳人唐贈東牟伯宋封牟平侯

先賢公肩子 各定字子中魯人唐贈新田伯宋封梁父侯

先賢鄒子 各單字子家魯人唐贈銅鞮伯宋封聊城侯

先賢罕父子 各黑字子索魯人唐贈乘邱伯宋封祁鄉侯

先賢榮子 各旂字子祺魯人唐贈雩婁伯宋封厭次侯

先賢左人子 各鄆字行魯人唐贈臨淄伯宋封南華侯

先賢鄭子 各園字子待魯人唐贈榮陽伯宋封胸山侯

先賢原子 各立字藉魯人唐贈萊蕪伯宋封樂平侯

先賢廉子 名潔字庸衛人唐贈 莒父伯宋封胙城侯

先賢叔仲子 名會字子期魯人唐贈 瑕邱伯宋封博平侯

先賢公西子 名輿如字子上魯人唐 贈重邱伯宋封臨朐侯

先賢邾子 名巽字子斂唐贈平 陸伯宋封高唐侯

先賢陳子 名亢字子亢一字子禽陳 人唐贈顛伯宋封南頓侯

先賢琴子 名張家語名牢字子開衛人 唐贈南陵伯宋封平陽侯

先賢秦子 名非字子之魯人唐贈 沂陽伯宋封華庭侯

先賢步叔子 名乘字子車齊人唐贈 淳于伯宋封博昌侯

先賢顏子 名會字子聲魯人唐贈 朱虛伯宋封濟陰侯

先賢顏子 名何字冉魯人唐贈開陽伯宋封堂邑侯 明嘉靖九年罷祀 國朝雍正二年復祀

昌樂縣志 卷七 典禮考 十一

先賢縣子 名亶字子象魯人明嘉靖九年 罷祀 國朝雍正二年復祀

先賢樂正子 名克周人宋封利國侯 國朝雍正二年進從祀

先賢萬子 名章齊人宋封博興伯 國朝雍正二年進從祀

先賢周子 名敦頤字茂叔號濂溪宋道州人謚曰元淳 祐元年封汝南伯從祀元至順二年加封道

國公明崇禎十 五年改稱先賢

先賢程子 名顛字伯淳宋河南人文彥博題其墓曰明 道先生謚曰純淳祐元年封河南伯從祀元

崇禎十五年加封豫國公明

先賢邵子 名雍字堯夫宋河南人謚康節咸淳三年 封汝南伯從祀明崇禎十五年改稱先賢

先儒穀梁子 名赤魯人唐時從祀宋 封龔邱伯改稱睢陽侯

先儒伏子 名勝漢濟南人唐時 從祀宋封乘氏伯

先儒后子 各蒼字近君漢東海鄉人明嘉靖九年從祀

先儒董子 各仲舒漢廣川人元至順元年從祀明洪武二十九年封江都伯成化三年改封廣川伯

先儒杜子 各從祀宋封緱氏伯人唐貞觀中從祀明

先儒范子 嘉靖中罷祀晉國朝雍正二年復祀

先儒韓子 名愈字退之唐南陽人宋元豐七年從祀昌黎伯

先儒范子 各仲淹字希文宋吳縣人贈兵部尚書諡文正國朝康熙五十三年從祀

先儒胡子 各瑗字翼之宋海陵人門人稱爲安定先生諡文昭明嘉靖九年從祀

先儒楊子 各時字中立宋將樂人學者稱爲龜山先生明宏治九年封將樂伯從祀

先儒羅子 各從彥字仲素宋南劍人學者稱爲豫章先生明萬曆四十二年從祀

先儒李子 各侗字愿中宋劍浦人元封越國公明萬曆四十二年從祀

昌樂縣志

卷七 典禮考

先儒張子 各拭字敬夫宋綿竹人學者稱爲南軒先生諡曰宣景定二年從祀

先儒黃子 各幹字直卿號勉齋宋福州閩縣人諡文肅國朝雍正二年進從祀

先儒真子 各德秀字景先宋浦城人諡文忠世稱西山先生明正統元年從祀成化三年封浦城伯

先儒何子 各基字子恭宋葵人諡文定國朝雍正二年進從祀

先儒趙子 各復字仁甫元德安人進從祀漢先生國朝雍正二年進從祀

先儒金子 各履字吉甫元蘭溪人諡文安學者稱爲仁山先生國朝雍正二年進從祀

先儒陳子 各滯字可久元江都昌人學者稱爲雲住先生國朝雍正二年進從祀

先儒陳子 各獻章字公甫明新會縣人學者稱爲白沙先生萬曆十二年從祀

先儒胡子 各居仁字叔心明餘干縣人萬曆十二年從祀

先儒蔡子 各清字介夫明晉江人諡文莊國朝雍正二年從祀

先儒湯子

名弼字孔伯國朝河南睢水人諡文正乾隆元年進從祀

位前陳設奠奠席

不與祭者各獻生肉各

祭儀通贊贊執事者各司其事庶毛血主祭官分獻官

陪祭官各就位迎神樂生執麾者唱樂奏昭平之曲引

贊生二人由東西角門出至櫺星門外向西一揖由櫺

星門至泮橋進大成門由甬路進大殿神位前一揖通

贊贊三跪九叩禮贊奠帛行初獻禮樂生執麾者唱奏

宣平之曲執節者唱樂奏宣平之舞引贊生詣主祭官

前引行初獻禮至丹墀東階贊詣盥洗所勺水進巾詣

至聖先師孔子神位前跪奠帛初獻爵叩首起詣讀祝

昌樂縣志

卷七

典禮考

三

位跪通贊贊衆官皆跪引贊贊讀祝文執麾者唱樂止

讀祝畢引贊贊叩首通贊亦贊叩首一叩禮起執麾者

唱樂作通贊贊行分獻禮各禮生引分獻官分獻兩哲

兩廡奠帛爵俱如前引贊引主祭官詣主將臺告謂太

復聖顏子神位前跪奠帛初獻爵叩首起詣前一掛

宗聖曾子

同前

東門門出至櫺星門外向西一揖由

述聖子思子

同前

西門門出至丹墀下原位序立各禮生引各分

獻官分獻畢復位至丹墀下原位序立候樂止通贊

主祭官自西門出至丹墀下原位序立各禮生引各分

獻官分獻畢復位至丹墀下原位序立候樂止通贊

行亞獻禮執麾者唱樂奏秩平之曲執節者唱樂奏秩平之舞禮俱如初獻復位候樂止通贊贊行終獻禮執麾者唱樂奏叙平之曲執節者唱樂奏叙平之舞禮俱如亞獻復位候樂止通贊贊飲福受胙贊生詣主祭官前引導飲福受胙執麾者唱樂奏懿平之曲主祭官飲福受胙行一叩禮復位通贊贊撤饌行三跪九叩禮起便樂止通贊贊送神執麾者唱樂奏德平之曲引贊詣至聖先師孔子神位前一揖由正門出大成門由泮橋至櫺星門外向東一揖由門回至丹墀下通贊贊奠帛者捧帛讀祝者捧祝各詣燎所引贊引主祭官分獻

昌樂縣志

卷七

典禮考

四

陪祭各官俱至燎所望燎畢復位候樂止通贊贊禮畢
附樂舞考

鐘一堵磬一堵琴六瑟二鳳簫篪塤搏拊如其瑟數
簫篪笙如其琴數楹鼓一柷一敔一樂生三十六舞
生三十六麾一翟三十六籥三十六又又有執節者二
人分立於東西兩階舞生之前以節其舞

次日崇聖祠每春秋丁祭預期致祭

肇聖王

木金

裕聖王

所

貽聖王

叔

昌聖王夏伯

敬聖王梁位前陳設各一案每位制帛色白磁爵

三羊一豕一劍品實同二簋二籩八豆八酒爵一

配享東西各二位

先賢顏氏各無絲字路復聖之父唐贈杞伯從祀宋封曲阜侯元封杞國公明嘉靖九年配享

先賢曾氏各點字哲宗聖之父唐贈宿伯從祀宋封茶蕪侯明嘉靖九年配享

先賢孔氏各鯉字伯魚述聖之父宋封泗水侯咸淳三年從祀明嘉靖九年配享

先賢孟孫氏各激字公宜亞聖之父元封位前陳設制

帛色白每位銅爵三豕首一豕肉一簋一籩品實同

籩四豆四

昌樂縣志

卷七 典禮考

五

從祀東三位西二位

先儒周氏各輔成宋周敦頤父明萬曆二十三年從祀

先儒程氏各响字伯温宋程顥程頤父明封永年伯明嘉靖九年從祀

先儒蔡氏各元定字季通宋蔡沈父明諡文節明嘉靖九年從祀

先儒張氏各迪宋張載父官殿中丞元朝雍正元年從祀

先儒朱氏各松字喬年宋朱熹父諡獻靖元封齊國公明嘉靖九年從祀每位前陳設

制帛色白每位銅爵三豕肉一簋一籩一籩四豆四

按配享自四配十二哲以及東西兩廡先賢先儒其

升配者二先賢有子復祀者八先賢遽子瑗秦子冉先賢林十放顏子何先儒鄭子元吳子澄

縣子直先儒范子宥改祀於鄉者三鄭泉字仲師東漢開封人慮

字子幹東漢涿郡人服虔字子龍祀者十一公伯寮
僂東漢熒陽人嘉靖九年改祀以饒仲
由黜揚雄以事葬黜荀況以言性惡黜戴聖以職吏
黜劉向以誦神仙方術黜賈逵以附會圖讖黜馬融
以貪鄙附勢黜何休以黜周王魯注風角書黜王肅
以黨可馬黨魏黜王弼以旨宗老莊黜杜預以黨貴
建短喪黜皆本其人之行事造就以為低昂準天理而協
人心也故附錄於此庶幾有志聖賢者知所自鏡云

三曰關帝廟每歲春秋仲月吉日五月十三日致祭雍正

三年詔郡縣春秋祀加太平五年太常寺奏定五月十三日祀加太平乾隆二十五年欽定謚曰神勇

前陳設制帛一色白酒樽一牛一羊一豕一籩十豆十獻

爵三後殿雍正三年崇封三代公爵

光昭公帝君曾祖

昌樂縣志

卷七 典禮考

去

裕昌公帝君

成忠公帝君每位前陳設制帛各一白羊各一豕各一

籩豆各八獻爵各三

四曰文昌閣每歲春秋仲月上丁日致祭

五曰名宦祠每歲春秋上丁日致祭陳設帛一羊一豕

一爵三

六曰鄉賢祠祭同名宦

七日忠義祠祭同鄉賢

八曰節孝祠

九曰社稷壇每歲春秋仲月上戊日致祭

十曰風雲雷雨山川壇祭期同社稷壇

十一曰勾芒壇每歲迎春日致祭

十二曰先農壇每歲春仲月部定日期致祭

十三曰八蜡廟每歲致祭同社稷壇

十四曰城隍廟明洪武間封顯佑伯每歲春秋祭 雲雷雨壇迎

城隍神配享清明中元十月朔祭厲壇迎城隍神主享

朔望有司拜謁

十五日厲壇每歲清明中元十月朔榜無祀鬼神祭之

十六曰劉猛將軍廟歲春秋次丁日祭

十七曰土地祠祭期同上

昌樂縣志 卷七 典禮考

七

十八曰馬神祠歲六月二十三日祭

十九曰獄神廟歲二月二十二日獄吏致祭

二十曰夷齊廟歲三月三日九月九日祭縣東輔祭

二十一曰孤山廟宋封廣陵侯元封孚澤廣陵侯祭期同上

二十二曰王裒墓歲九月十五日祭

昌樂縣志卷八

田賦考

夏后氏則壤定賦青州厥田上下厥賦中上厥貢鹽絺此田賦所由昉也顧自井田變而爲履畝再變而爲租庸調三變而爲兩稅於時稱便今之徵糧猶兩稅之意而於民尤便以丁銀攤入地畝

聖世滋生永不加賦也偶有調遣率皆有司捐供芻蕘至於修城鑿池以及防河大役亦皆開銷帑項民生其間相忘日久往往有徵發期會而不應者茲特考鄉社稽丁口查地畝核貢賦并志其起運存留而耗羨雜稅

昌樂縣志

卷八

田賦考

一

鹽政亦附焉至於倉儲尤 國家積貯大政並志之作田賦考

鄉社古者萬二千五百家爲鄉二十五家爲里書之於版則名書社齊桓公分國二十一鄉以及軌連什伍之制有似今之保甲前志載明初縣分三鄉曰清惠曰仁惠曰清和領九十八社後併爲六十四社不知何時盡去鄉社之名總分爲二十厰蓋取四鄉集市之所會公私交際於此爾有便利焉今則易厰曰集而因其故制仍其舊名其附郭者曰北關集領莊十七曰南關集領莊十一城之北曰子留集領莊十二東北曰都昌集領

莊十一城之東曰尖塚集領莊三十二又東曰東朱集
領莊二十城之西曰西店集領莊二十五又西曰堯溝
集領莊十三城之西南曰南郝集領莊二十一又南曰
北巖集領莊九十二又南曰張莊集領莊三十一又南
曰鄆邵集領莊三十六城之南曰邊下集領莊三十一
又南曰喬官集領莊四十四又南曰北展集領莊八十
城之東南曰辛旺集領莊四十六又東南曰營邱集領
莊一百零九今分爲二以白狼河爲界河西曰西營邱
集領莊五十一河東曰東營邱集領莊五十七又南曰
馬宋集領莊一百零二又南曰阿陀集領莊八十三又

昌樂縣志

卷八

田賦考

二

西南曰朱翰集領莊二十二共集二十有一領七百九
十七莊鄉民詭計規避每於一莊分立三四莊名鄉俗
鄉保催糧遂自報鄉保不服征役催征戶房退收時受
其賄屬卽爲捏造莊名添註赤書增至千數百莊自嘉
慶元年清查保甲後凡分撥莊名盡行刪去一仍其舊
稽查乃便

戶口有丁卽應役本於唐租庸調法卽孟子所謂力役
之征也 國初順治四年六年 題豁逃亡人丁一萬

五千一百一十三丁十二年至十六年新增加三千一百

三十一丁康熙元年新增一千二十一丁五年至八年

新增二千三十六丁見在並新增一萬七千七百一十八丁除鄉紳舉貢生員優免本身人丁三百一十六丁實在當差人丁一萬七千四百二十二丁每丁徵銀二錢五釐六毫八絲共徵銀三千五百七十九兩二錢四分三釐三毫六絲云云茲據乾隆五十一年賦役全書所載舊額不分等則人丁二萬二千六百四十三丁節新增一萬一千一百三十三丁除鄉紳舉貢生員並逃亡優免一萬六千二百五十五丁實在當差人丁二萬一千四百九十一丁每丁徵銀二錢五釐六毫八絲共應徵銀四千四百二十兩二錢六分八釐八毫八絲於康熙五十

昌樂縣志

卷八

田賦考

三

二年恭奉

恩詔以康熙五十年丁冊錢糧之數定爲常額續生人丁永不加賦雍正四年又奉

諭旨應征丁銀攤入地糧征收每地糧一兩攤丁銀一錢一分五釐六毫一絲四忽有零共攤征丁銀三千六十七兩二錢三分一釐六毫八絲二忽九微有奇較之原載當差人丁額征銀數減徵銀一千三百五十三兩三分七釐一毫九絲七忽有奇嗣後丁口細數仍按五年一次編審造報至乾隆三十七年恭奉

諭旨編審之例永行停止官民兩便自此官吏但據地

保開呈約畧增報今冊載舊管增益人丁二千五百二十五丁係康熙五十年以前之數自康熙五十一年歷雍正乾隆至嘉慶元年新增六萬八千三百二十八丁除抵補舊額八百四十三丁實在增益北萬一千二百

遵
詔永不加賦共戶四萬六千七百四十一共老幼壯少男女二十七萬六千九百二十九名
田賦舊志載舊管官民等地自萬歷年後原額四等徵糧共地入千一百九十六頃四十二畝八分於

國朝順治四年六年撫按兩院題豁四等荒地三千

昌樂縣志

卷八

田賦考

四

七百一十六頃五十七畝六分六釐順治十二年至十六年開墾四等地一千一百七十頃五十九畝九分五釐有零順治十七年至康熙二年開墾四等地二百五十頃四十三畝三分二毫九絲康熙三年至康熙八年節年開墾見在成熟並新增十頃一十六畝九分有零見在成熟並新增四等共地六千三百七十二頃八十四畝八分有零徵銀二萬二千四十八兩九錢三分七釐有零原額額外荒地三百八十八頃二十三畝三分二釐

國朝順治四年六年撫按

是歲荒地三百一十二頃九十八畝八分九釐八毫順治十七年至康熙九年節年開墾見在成熟荒田地一百三十一頃五十二畝三分二毫康熙三年至五年開墾荒地一百五十一頃八十八畝五釐八毫康熙六年至九年開墾荒地二十九頃五十八畝五分二釐八毫見在成熟並開墾荒地三百八十八頃二十二畝三分二釐每畝徵銀一分共徵銀三百八十八兩二錢二分三釐二毫康熙三年奉文歸入地丁項下實在閩縣丁地起存本折等項共銀二萬六千一十七兩五錢六分四釐有零其四等地每畝徵銀則例未經載明

昌樂縣志

卷八

田賦考

五

卽所謂四等者亦未分晰某地各若干茲按乾隆五十一年賦役全書所載原額上地二千四百二十五頃九十二畝四分五釐順治四六等年撫按兩院

題豁拋荒上地一千一十二頃四十二畝七分九釐有零節年新墾上地三百六十三頃五十六畝九分一釐九毫九絲共成熟並新墾上地一千七百七十七頃六畝五分七釐七絲每畝征正供雜辦並九釐胖衣等銀三分七釐五毫四絲八忽二微六沙二渺二漠一埃共徵銀七千七百二十兩二分八釐七毫一絲三微有奇

原額下地二千二百七十四頃三十五畝四分順治四

太等年撫按兩院

題豁拋荒下地一千二百七十一頃八十六畝四分六釐三毫三絲節年新墾下地一千二百六十二頃三十四畝一分五釐六毫一絲共成熟並新墾下地二千二百六十四頃八十三畝九釐二毫八絲每畝徵正供雜辦並九釐胖衣等銀三分一釐五毫四絲八忽二微六沙二渺二漠一埃共征銀七千一百四十五兩一錢三分五釐二毫七絲二忽一微有奇原額無糧下地六十四畝九分徵則同原額共徵銀二兩四分七釐四毫七絲八忽五微七纖原額下下地一千三百七十九頃一十七畝八分順治四六等年撫按兩院

昌樂縣志

卷八

田賦考

六

十七畝八分順治四六等年撫按兩院

題豁拋荒下下地三百九十七頃八十七畝二分五釐五毫嗣後節年照數墾復仍實在原額下下地一千三百七十九頃一十七畝八分每畝徵正供雜辦並九釐胖衣等銀二分五釐五毫四絲八忽二微六沙二渺二漠一埃共徵銀三千五百二十三兩五錢五分二釐三毫六絲八忽五微有奇額外下下地二頃四十七畝三分五釐五毫徵則同原額共征銀六兩三錢一分九釐四毫七絲六忽五微共成熟新增四等地七千四百八

頃二十二畝八分四釐九毫二絲較舊志增地一千

一百七頃三十七畝九分九釐一毫七絲原額額外成
熟並新墾荒田三百八十八頃二十三畝三分三釐每
畝徵銀一分共徵銀三百八十八兩二錢二分三釐二
毫與舊志同首報踰額額外荒田一十五畝節年新墾
荒田地二十三畝三分共踰額額外荒田地三十八畝
三分每畝徵銀一分共徵銀三錢八分三釐原額學田
地四十畝每畝徵銀一錢一分二釐五毫共征銀四兩
五錢上二項舊志不載自是康熙十一年以後所增也
以上各等地共七千八百六十九頃二十三畝四分六
釐九毫二絲共徵銀二萬六千五百二十八兩九錢九

昌樂縣志

卷八

田賦考

七

分一釐八毫五絲八忽三微有奇康熙八年奉文本色
防風照依時價折徵增銀三分六釐本色又黃熟銅正
費於康熙二十三年增時價並增脚價銀一錢三分三
釐九毫二絲三忽六微七織又自康熙四十二年爲始
班匠攤入地畝項下徵收銀十三兩九錢五分又自雍
正四年爲始丁銀攤入地糧內徵收銀三千六十七兩
三錢三分一釐六毫八絲二忽九微八織七沙七塵一
漠一埃統共實徵丁地銀二萬九千六百一十一兩三
錢四分三釐四毫六絲五忽有奇較舊志增銀三千五

百九十三兩七錢七分九釐一毫

起運舊志載起運丁地並新增共銀二萬一千四百三十二兩七分七釐八毫八絲九微一織一沙折色腳價銀一百四兩三分五釐有奇又本色丙字庫棉花絨一十兩一錢二分四釐三毫微銀四分四釐二毫九絲三忽八微鋪墊銀六釐三毫二絲一忽六微九織腳價銀三毫五絲四忽三微五織丁字庫黃熟銅一百六十斤一十一兩二錢五分五釐五毫微折銀一十八兩一錢五分九釐四毫九絲一忽九微七織鋪墊銀二兩五錢七分一釐二毫五絲五忽五微腳價銀一錢四分五釐二毫七絲五忽九微四織本年奉文本色黃熟銅增添

昌樂縣志

卷八 田賦考

八

時價銀一兩一錢二分四釐九毫二絲四忽二微八織隨正項增添腳價銀八釐九毫九絲九忽三微九織牛角弓面並新增六副九分三釐二毫微銀二十兩一錢六分六釐七毫三絲二忽九微九織今按賦役全書舊管起運地丁銀二萬六千八十兩二分一釐九毫二絲五忽六微有奇乾隆四十二年奉文荒地豁糧攤扣知縣俸銀抵補歸入起運銀一十五兩七錢四分一釐折色腳價銀一百四兩三錢五釐舉入車價銀五兩四錢四分七釐棉花絨並鋪墊腳價黃熟銅並鋪墊腳價牛角弓面等項本色於乾隆二十三年奉文將微折各目

其折色腳價棉花絨斤兩並徵折款目黃熟銅斤兩並鋪墊徵銀數均與舊志同至黃熟銅徵折銀數則係一十七兩六錢七分七釐三毫八絲一忽五微六纖腳價銀一錢四分一釐四毫一絲九忽五纖半角弓面則係八副二分二釐九忽五纖每副價銀七錢共徵銀五兩七錢五分四釐六絲三忽三微五纖與舊志不同舉人車價舊志不載又黃熟銅增價舊志曰本年本年者康熙十一年也全書載爲康熙二十三年自是年遠舛訛既經刪除名目可無須詳考

昌樂縣志

卷八

田賦考

九

存留乾隆五十二年奉文原編地丁存留項下官俸役食雜支夫馬工料等項俱歸入起運銀二千二兩五錢八分九釐二毫四絲九忽五微以上不分各目俱歸地丁起運布政司庫共銀二萬八千二百三十四兩二分九釐有零自此以後州縣無存留矣
倉糧舊志載德州倉小麥無麥納米折色徵銀一千二百三十二兩二錢一分四釐二毫七絲三忽八微腳價銀三兩四分三毫八絲九忽六微今征折色銀一千三百三十二兩七錢八分八釐腳價銀二兩四錢二分三

糧解糧道庫有加於昔地增也

龜糧舊志載運司錢糧民佃竈地並新增共銀二十九兩九錢二分七釐八毫三絲四忽八微八纖加銀一錢七分九釐六毫二絲三忽九微四纖今則起解民佃地銀三十兩三錢七分九釐加銀二錢二分四釐亦因地着增而銀亦加也

學租起解學院學租銀四兩五錢

以上錢糧俱儘收儘解縣庫無應存之項

原編存留各項

官俸役食舊志載徵銀一千四百三十兩九錢五分七釐未列應支細款見止支銀二千一百三十八兩六錢

昌樂縣志

卷八

田賦考

十

四分四釐九毫較舊減銀三百九十二兩三錢一分五釐一毫可考者惟扣俸補荒一項其餘無文可徵今將應支細目查照全書列後

知縣一員俸銀四十五兩於乾隆四十二年扣補荒糧銀十五兩七錢四分一釐實歲支銀二十九兩二錢五分九釐門子二名工食銀一十一兩一錢一分八釐皂隸十三名工食銀七十二兩二錢六分七釐伴作三名工食銀一十六兩六錢七分七釐馬快夫八名工食銀一百二十四兩五錢三分五釐民壯二十八名工食銀一百二十四兩禁卒八名工食銀八十八兩九錢四分

四釐 轎傘扇夫七名 工食銀三十八兩九錢一分三釐
庫子四名 工食銀二十二兩二錢三分六釐 斗級四名
工食銀二十二兩二錢三分六釐

典史一員 俸銀三十一兩五錢二分 門子一名 工食銀
五兩五錢五分九釐 皂隸四名 工食銀二十二兩二錢
三分六釐 馬夫一名 工食銀五兩五錢五分九釐

教諭一員 俸銀四十兩 訓導一員 俸銀四十兩 齋夫三
名 工食銀三十七兩二錢 膳夫二名 工食銀一十三兩
七錢七分七釐 八毫 門斗二名 工食銀一十四兩八錢
八分

昌樂縣志

卷八

田賦考

十一

遞舖司兵三十三名 工食銀一百六十六兩一錢二分
八釐 土毫

孤貧三十一名 口月糧冬衣布花銀一百一十一兩六
錢

雜支舊志載徵銀一百一十六兩五錢五分八釐五毫
八絲七忽九微四纖一沙 今則額支銀二百三十四兩
二錢二分六釐三毫四絲九忽五微一纖四沙五塵較
舊增銀一百一十七兩六錢六分七釐有奇 增於何年
何項全書不載 惟見諸城壽光邑志有乾隆二年奉文
補給廩生廩糧之語 邑之所增亦或此耶 然無案證 弗

取臆斷其應支細目修理

龍亭帳幔銀六分四釐八毫四絲四忽五微九纖二沙
五塵祭祀

文廟銀三十五兩香燭銀一兩二錢五分

崇聖鄉賢名宦祠銀四兩山川社稷壇銀四兩孤魂邑
厲壇銀四兩三錢八分鄉飲銀三兩一錢一分二釐五
毫四絲四微一纖五沙廩生廩糧銀一百七十三兩六
錢一毫歲貢生袍帽傘蓋銀六兩二錢二分五釐八絲
八微二纖七沙迎賀旗匾銀一兩五錢五分六釐二毫
七絲二微一纖正副盤費銀一兩三分七釐五毫一絲
昌樂縣志

卷八

田賦考

十一

三忽四微七纖

郵政舊志載驛站徵銀一千七百三十六兩八錢四分

五釐六毫三絲二微舊編本縣馬十四匹草料銀四百

二十兩驢二頭工料銀三十八兩舖夫二名工食銀一

十八兩編刺銀四兩里甲走遞青夫三十名工食連閭

銀二百四十七兩九錢九分九釐八毫走遞白夫三十

五名工食連閭銀四百三十四兩走遞馬三十五匹工

料銀七百二十三兩三錢三分三釐二毫走遞驛六頭

工料銀一百一十一兩六錢共銀一千九百九十六兩

九錢三分三釐於順治十一年兵部題明驛站衙解

以均協濟議設走遞馬二十四草料連閘銀七百四十四兩走遞馬夫十三名工食連閘銀一百六十一兩二錢走遞白夫四十名工食連閘銀四百九十六兩走遞青夫二十名工食連閘銀一百六十五兩三錢三分三釐三毫撥馬牌子二名工食連閘銀二十四兩八錢供應中伙廩糧銀一百一十二兩鞍屨棚厰槽鋤等項銀三十兩此康熙十一年修志時所存之數也核其細目共止支銷銀一千七百三十三兩三錢三分三釐三毫本少於所載驛站總數銀三兩五錢一分二釐三毫三絲二微又中伙銀一百一十二兩何年奉裁無案可考

昌樂縣志

卷八

田賦考

三

其餘銀一千六百二十一兩三錢三分三釐三毫於康熙十四年裁走遞馬草料銀三百七十二兩裁馬夫工食銀三十七兩二錢裁青夫五食銀一百六十五兩三錢三分三釐三毫康熙十五年裁白夫工食銀四百九十六兩共裁銀一千七十兩五錢三分三釐三毫歸入地丁充餉存留支應銀五百五十兩八錢康熙二十年

奉

恩詔將驛站裁四復二復遞馬草糧銀一百八十六兩復馬夫工食銀一十八兩六錢復青夫工食銀八十二兩六錢六分六釐六毫五絲續白夫工食銀二百四十二兩

八兩共復銀五百三十五兩二錢六分六釐六毫五絲
合前存留共支應銀一千八十六兩六分六釐六毫五
絲雍正三年裁撥馬牌子工食銀二十四兩八錢裁青
夫工食銀八十二兩六錢六分六釐六毫五絲雍正十
二年裁減馬匹並雜用銀一百九十三兩二錢六分乾
隆元年裁減夫馬工料雜用銀一百三兩七錢乾隆二
十三年裁減夫馬工料雜用銀五十一兩九錢二分二
釐共裁減銀四百五十六兩三錢四分八釐六毫五絲
歸入地丁起運現設走遞馬十四匹草料連閏銀二百
六十兩四錢馬夫八名半工食連閏銀一百五兩四錢
昌樂縣志

卷八

田賦考

古

白夫二十名工食連閏銀二百四十八兩鞍厓棚廠槽
鋤銀一十五兩九錢一分八釐共銀六百二十九兩七
錢一分八釐

按以上官俸役食雜支驛站等銀二千二兩五錢八
分九釐有奇原編於地丁存留項下由縣按數支銷
乾隆五十一年總督四川保奏請歸入地丁起運
另行按季赴布政司按察司分款領回支發今賦役
全書雖仍載存留名目而解領不同矣

舖舍舊志載昌樂之舖有三舍十有二總舖在縣治東
其舖路東十里曰孤山舖又十里曰東朱舖由此遞

縣界西十里曰丹河鋪由西抵益都界東南十里曰夷齊又十里曰永盛又十里曰營邱由營邱而前有甘泉大澗有三殿有歸家墮舖各十里共八十里抵安邱縣界今鋪路無所更易但因逐舖遞送往遲悞故自乾隆十八年於遵批查議事案内詳准酌改於縣設總舖一處登記號簿輪流派遣司兵分三路徑行遞送司兵工食按季支給無所盈縮焉

額外現徵課程銀八十四兩七錢七釐與舊志同

現徵牛驢稅銀五十四兩一錢六分三釐舊志徵銀七兩三分計增銀四十七兩一錢三分三釐

昌樂縣志

卷八

田賦考

五

現徵牙雜稅銀一百六兩八分七釐舊志徵銀一十一兩八錢二分計增銀九十四兩二錢六分八釐

當舖稅每舖徵銀五兩閭邑見存當舖一座

田房稅契銀歲無定額儘收儘解

鹽法額設鹽票三千票價銀六百五十兩一分配運官臺場鹽每票配鹽二百二十五斤額餘票紙價銀十二兩一錢七分七釐筆帖式解費銀十九兩三錢六分車

脚銀二兩二錢七分以上銀兩商人自于運庫交納額征竈地額課銀三十六兩七錢七分一釐民佃竈課銀

九十兩七錢五分九釐俱由縣徵解其民佃竈課中有

送夫銀二十八兩一錢六分七釐知縣賠解又商人攤
納銀二十四兩九錢八分九釐何年攤納無案可考又
商人代納王家崗場竈地並加攤丁銀七分一釐亦由
縣徵解舊志鹽法未經詳具僅載應徵民佃竈地銀二
十九兩九錢二分七釐八毫二絲四忽八微八纖加銀
一錢七分九釐六毫二絲三忽九微有奇鹽課竈丁銀
三十六兩七錢七分一釐而已且所稱鹽課竈丁名目
查戶部則例內載則為竈地額課民佃竈地戶例則載
為民佃竈課今照戶例各色錄記不致愈久愈舛也

昌樂縣志

卷八

田賦考

夫

餘凡... 查戶部... 三十六兩... 一錢七分... 三十六兩... 查戶部... 為民佃竈... 田賦考卷八

昌樂縣志卷十

兵防考

古兵農合今兵農分古民卽爲兵今兵以衛民禁暴戢奸攘盜禦侮皆兵責也邑雖彈丸然當東西孔道羽檄之往來匪類之錯出其有資於營伍者爲不少也作兵防考

明以前兵制無傳有明定制昌樂本青州府所屬之地而營汛則屬萊州

國初因之康熙十九年另設壽樂營領以參將三十九年調本營參將添防泰安州移改壽樂爲守備營屬青

昌樂縣志

卷十

兵防考

州營管轄雍正九年改守備爲都司營立分防昌樂縣汛把總一員馬兵一十八名步兵五十五名今改馬兵二十一各守兵五十一名庫存火藥九百六十三斤十四兩四錢烏鎗三十五杆弓箭三十七副墩臺三丹河舖五里舖大橋舖各處馬守兵五名

兵防考卷十終

